

6816

藥性韻語

二

《中國中醫研究院圖書館藏善本叢書》已出版書目

黃帝內經

唐·王冰注

易簡方

宋·王碩撰

本草單方

明·繆希雍撰

續易簡方

南宋·施發撰

衛生家寶湯方

明·朱端章撰

針灸素難要旨

明·高武撰

簡易普濟良方

明·彭用光撰

針灸聚英

明·高武撰

藥性通考

清·劉漢基撰

上醫本草

明·趙南星撰

醫學金針

清·潘蔚撰

本草隨錄征實

撰人不詳

諸症辨疑

明·吳球撰

湯液本草

元·王好古撰

百病問對辨疑

明·張昶撰

藥鑒

明·杜文燮編

藥症忌宜

清·陳澈撰

本草約言

明·薛己撰

藥性驪珠

何龍舉輯

醫方集論

明·俞朝言撰

藥性韻語

郭敬綸著

本草類考

撰人不詳

救荒本草

明·朱橚撰

本草釋名類聚

撰人不詳

野菜博錄

明·鮑山撰

調疾飲食辨

清·章穆撰

丹臺玉案

明·孔文胤撰

飲饌服食譜

明·鐘惺輯

萬氏家抄方

明·萬表撰

隨園食草

清·袁枚撰

針灸經穴圖考

黃維翰編

天元玉冊

唐·王冰撰

經穴圖考

清·陳惠疇撰

素問六氣鉉珠密語 唐·王冰撰

周氏經絡大全

清·周孔四撰

《中國中醫研究院圖書館藏善本叢書》選編委員會

顧問 馬繼興 余瀛鰲 薛清錄

主任 傅世垣

副主任 張瑞祥 陳貴廷

編委 王樹芬 朱占瑞 金立 范翠敏 邱桂榮 馬芳麗

康小梅 張小青 張寶強 裘儉 劉培生 嚴康維

審訂 傅景華

藥性韻語卷三

長沙郭敬綸著

男

宗

祚

校字

降香輕清

芳烈辛溫

善入心脾

專解堅凝

陰疽寒濕

冷滯食傷

腹疾中寒

筋斷身戕

皮破血流

止血無雙

磨飲塗敷

去瘀最良

血疼氣痛

調劑功長

燒熏辟疫

能斷百殃

降香味苦辛溫有活血去瘀化積消寒之能辟一切不正之氣驅瘟疫鬼邪之功燒磨皆良

丁香芳烈

味辛氣溫

暖中扶土

降逆升清

戈肅神殺
月傷也

溫脾燥胃

逐溼驅寒

腰膝冷痛

心腹脹難

丈夫陽弱

女子陰孱

反胃腸滑

嘔噦凝瘦

諸屬寒傷

薑附爲輔

破蠱殺蟲

磨堅化腐

丁香治心腹疼痛及脹滿與寒凝濕積之腹痛大便溏滑宜用母丁香○雄者爲雞舌香又有公丁香性熱

木香辛燥

破滯攻堅

斷泄止嘔

化積通淹

安胎保妊

辟疫疏壅

煨實大腸

生磨退腫

木香味辛氣溫理脾煖胃消脹止痛若以之治肝家之病則不宜矣○廣木香溫散寒滯○青木香疏散熱氣

潔白檀香

辛烈疏利

破鬱消滿

磨點黑痣

白檀香味辛微溫入胃入脾入肺治心腹疼痛消癥疝凝結亦治吐膿嘔泄之疾

紫色檀香

善治金瘡

排瘀消腫

磨塗皆良

紫檀香味辛微溫止金瘡血流有斂新血去瘀血之功煎飲則純良功美塗敷則辛烈性强

烏藥性溫

辛散疏泄

去瘀排滿

虛勞忌洩

腳氣逆升

降之有益

脾虛氣弱

服之爲逆

烏藥辛溫散泄入脾胃肺治寒滯腹痛腹滿泄利息喘氣急寒疝衝突腳氣升逆之證不宜虛家

檳榔辛溫

善決瘀停

降逆行氣

消滿解凝

排痰化穀

磨堅破鬱

水痺山嵐

焚之祓疫

藥性音言 卷三
檳榔味苦辛濇其氣微溫化水谷之陳宿辟痰飲之停留治心腹寒作疔痛 焚之辟山嵐瘴癘之氣○氣虛者忌之

大腹皮衣

理氣醒痺

行鬱去濁

消脹理脾

皮膚甲錯

下氣寬胸

大腹子好

性亦相同

皮膚腫脹

當尋其根

根緣土溼

浸淫脾陰

輔以辛燥

水泄氣行

徒恃此味

其藥不靈

大腹皮雖有下氣開胸行鬱之功惟不宜於虛家至皮膚腫脹之病宜佐以泄濕散寒辛溫之品方效 大腹子雖別產而性同

西番阿魏

木汁疑冰

霜雪熬煉

松脂漬晶

辛烈臭惡

以臭爲真

辟瘟解瘴

破積磨癥

殺蟲除毒

化瘀治疔

不可服也

熏敷咸靈

阿魏味辛氣臭出西番崑崙山炒研入瓷碗崩裂成片而下入膏藥更妙其剋伐剝蝕之力無堅不破化癖磨癥此爲第一

蘇木入肝

味辛而鹹

行經活血

瘀去身安

蘇木調經行血破瘀止痛凡胎產跌損瘡痒惡血皆以去瘀消腫之功也

血竭氣平

續骨接筋

破瘀行血

止痛如神

血竭味鹹入肝凡癥積塊跌撲停瘀宿血皆能去之亦能止鼻衄便血皆有活血去瘀之功也

松花乳香

舒筋治瘍

破瘀消腫

活血功長

醒消諸癰

斂潰收功

熬膏作散

敷飲皆同

乳香辛溫人肝活筋治心腹疼痛平跌打損傷及潰爛不收口之
瘡炒乾研用

精製沒藥

行經活絡

消腫排瘀

生肌去惡

金瘡痛止

癰疽毒脫

作散和膏

瘡口迅合

沒藥炒去油味苦氣平入肝行經化老血消陽瘡治金傷排膿斂
口熬膏貼癰疽

櫻櫚綫毛

諸血能療

固瀉滑脫

收斂性饒

九竅流溢

金傷杖敲

煎敷皆好

切斷宜燒

櫻櫚毛味苦而清氣平入肝止血凡金瘡跌打諸傷斫斷燒灰存
性封存聽用櫻同棕櫚音離湖南俗名棕

蕪荑味辛

入肝最良

殺蟲破積

止痢平瘡

櫻音宗
櫚音梨

蕪音府

蕪黃殺藏府諸蟲磨氣積血癥治一切諸瘡止寒濕泄利皆平肝火斂肺金之功也

蘆薈苦寒

退熱除疳

殺蟲消痔

疥癬瘡癥

蘆薈味苦性寒清熱退腫散寒止癢皆去肝風血熱之力也○亦名象膽

紫油肉桂

山川精萃

氣香性純

溫煖融會

善通經絡

善調肺胃

周旋水火

調劑丁癸

氣血陰陽

交互其精

血中溫氣

長生之根

欲求長生

必救陽神

陽神之根

仍胎於陰

陰中活潑

全在陽氣

氣血交需

中含生意

陽根一固

精神乃秘

扶陽養陰

培其根蒂

肉桂一物

溫潤和暢

引火歸元

婦隨夫唱

肝脾舒衡

濁降清升

氣煦血姬

化爲陰神

陽神司命

陰邪無權

卻病延年

祖氣全完

溫氣失根

邪正相爭

邪一勝正

疾病叢生

經絡瘀滯

藏府痼結

關節不靈

心腹寒厥

血分寒洩

上脫下泄

九竅不守

久漬乾血

內燒一作

咽乾津竭

男女同源

其標各別

君子知機

切勿柔移

潤澤溫燥

四法相須

一二冬二甲

參朮培基

耆苓薑桂

早治咸宜

肉桂有辛桂苦桂甜桂之別惟辛辣性同皆能煖血中之溫氣驅血中之寒凝男女失血果屬虛寒悉宜服之

杜仲辛平

益肝滋筋

關節寒溼

腿足難伸

溫寒煖腎

輔以參苓

固腰強精

佐以朮杭

杜仲入肝榮筋壯骨健膝強腰最益肝腎而驅風溼滋養筋骨而壯陽○杭音庚杭米善益脾精

五加皮性

五藏咸宜

強筋壯骨

宜鬱開痺

通關泄溼

起痿伸攣

男女下部

蝕癢自痊

五加皮入肝治腰膝酸流伸手足拘攣最益腎家之虛弱男子陽痿精冷女子陰癢蝕疳浸酒強骨健筋小兒腳軟

蔓荆味薄 平肝達木 發散風濕 清醒頭目

膽胃逆升 濁氣上壅 拘攣麻痺 頭泡眼腫

清風降濁 勿恃此藥 神而明之 先師可作

蔓荆子味苦微溫泄風溼清頭目發散風溼但頭泡眼腫之證乃膽胃逆升濁氣上壅之所致宜輔以泄溼去風散寒之品

密蒙花佳 直走肝家 明目去翳 清肺平癆

密蒙花味苦微寒治眼目紅腫清肺平肝潤腸胃燥結凡目疾之證當求致病之由須用其生水養肝清風滋肺溫寒扶土之藥

大風子油 殺蟲最優 疥癬瘡癩 楊梅可塗

疥瘡之疾

瘡瘻

大楓子研鎔榨枯取油煎黑如膏可以塗一切癰疽瘡瘍及牛皮癬風癩足以殺蟲去腐生新不可服也

槐實苦寒

涼血滋肝

潤腸消痔

洗心滌煩

烏髮黑髮

催生治瘕

口齒熱痛

服之而安

槐實清肝家風熱治頭目暈眩潤大腸結燥治痔痛陰瘡腸風下血孕婦忌服

川練子皮

鬱熱咸宜

除狂泄火

癰閉善醫

利水去溼

通關達鬱

腸風下血

宜加桂朮

川練子即金鈴子治玉莖強腹中痛煩燥狂亂謔語及便血溺血等證俗言解小便時莖中痛強鞭不倒者即謂之玉莖強也

水竹瀝絨

平肝補肺

疏利輕清

蕩滌腸胃

中風迷亂

孔竅鬱塞

胸膈渴煩

痰涎熱咳

潤澤咽喉

肺熱即瘳

果係虛寒

桂附同投

水竹瀝或用絨甘寒疏利清肺生津行痰化氣○鮮竹去節火烘瀝下養器盛之薑汁沖服其性雖寒不至滑泄清肺燥之佳品

荆竹瀝絨

甘平疏利

清風止渴

化痰止噫

頭目暈眩

痰迷心亂

中風不語

寒凝風渙

下寒上熱

中虛外厥

天麻貝母

薑附苓澤

清上泄下

滋肺津液

熱宜水竹

寒用荆瀝

荆竹瀝味甘氣平入肺生津治頭目暈眩中風不語之證與水竹茹相同惟寒熱則異刮去粗皮取絨亦好

醇音純

榆樹白皮

味甘氣醇

止喘降逆

利肺生津

偃僂欬嗽

腫脹淋瀝

催衣活血

排濁養陰

榆白皮入肺清金泄膀胱溼熱消血分腫脹治癰瘡生髮有赤白二種白者最良取粗皮搗汁用

芙蓉花葉

清風泄熱

消散風溼

決瘀涼血

芙蓉之花

消腫最佳

能破堅結

敗毒驅邪

一切瘡瘍

敷飲功捷

提膿去根

排瘀活血

芙蓉味辛氣平入肝肺經善敗腫毒搗敷一切惡瘡腫毒皆能去瘀決腐之功根葉花三味均有排膿去腐之功

金櫻味甘

固澆酸鹹

斂腸止泄

生精養肝

肝鬱結者 不宜乎酸 兼用升達 治法始完

金櫻子味鹹酸性濇固善止遺精滑泄肝氣鬱結不宜收斂之品若徒服此味則遺精愈甚當與升達之藥並用獲效大矣

辛夷宣利 降胃驅寒 頭疼齒痛 鼻塞面癢

利氣破壅 泄肺開關 澤膚止癢 收涕平肝

辛夷卽木筆花味辛性溫入肺入胃治口痛齲腫搗溶絞汁塗面潤膚吹鼻散風寒濕利肺通竅之佳品鼻塞咳嗽宜之

蘇合香油 疏散辛涼 驅邪逐疫 辟暑瓊漿

治疹殺蟲 利氣補中 調和藏府 輔正平風

蘇合香入肺肝辟惡除癘治腫脹氣積凡四時一切不正之氣悉能除之熬油更美